

იუმორისტ. ჟურნალი

აშუაპირი აპოკალიფსი



№ 5

მ. კინკ. ქარ. აშხ.



ო. შლიბე.

როგორ იბრძოდა საქართველო ძველათ

სამშობლოს აღორძინება.

„...ქართველ ხალხის ბუნებრივ საახალშენო ტერიტორიად ის პროვინციები უნდა ჩაითვალოს, რომელიც აყვავების ხანაში და შემდეგშიაც ჩვენ სამშობლოს ეკუთვნოდა...“.

„...ჩვენი მისწრაფების ლურჯმანი საქართველოს საზღვრების აღდგენაა...“.

„...ფსიხოლოგიურად შემოვიმიჯნოთ თავი ჩვენი და ნივთიური ზღუდე გარშემოვუღვათ ჩვენსა ქვეყანას...“.

გაზ. „საქართველო“, № 1.

მოსხენების არსებით მხარეს ყველა ემბრობოდა, რადგან პრინციპი მოხსენებისა უდაური და ყველასათვის მისაღები იყო:

— უნდა აღდგენილ-იქმნას საქართველოს ისტორიული საზღვრები, აკვანი და საფლავი ქართველი ერისა, და გარეშემოიზღუდოს ზღუდითა ნივთიურითა და მიჯნითა ფსიხოლოგიურითა ჩვენი ქვეყანა.

ეს ყოვლად სამართლიანი პრინციპი, რა თქმა უნდა, ერთხმით მიიღო ყველამ; დავა მხოლოდ იმან გამოიწვია, რომ მომხსენებელი ძალიან ვიწროთ ფარგლავდა საქართველოს ისტორიულ საზღვრებს, თითქოს ემინადა, ერიდებოდა, ან ეხატებოდა ვისიმე:

— ჩვენ უნდა ვიხელმძღვანელოთ ქართველთა სხვა და სხვა ტომები, სახელდობ: 1) მოსკები ანუ მესხები, 2) ტაბალები ანუ თუბალები, 3) კასკები ანუ კოლხები, 4) მოსინიკები ანუ ქანები, 5) მაკრონები ანუ მეგრელები, 6) ქალღუელები ანუ ქართველები, 7) აფხაზები, 8) სვანები, 9) ალბანელები და სხვანი. გამოვიკვლიოთ მათი ბინადრობის ადგილები, აღვიდგინოთ, ე. ი. დავიპყრათ ეს ადგილები და შემდეგ გარეშემოვიმზღვარნეთ მზღვართა ნივთიურითა და მოაჯირითა ფსიხოლოგიურითა!...

ასე გაათავა ს. კ—იმ თავის შინაარსიანი მოხსენება.

სიტყვა რ. გაბაშვილმა აიღო და სთქვა:

— მომხსენებელს წინადადებას საფესებით ვღებულობ ისე, როგორც ძალზე მშვიერი კაცი, რამელსაც მთელი პური ვერ გააძლებს, პურის ყუითაც იოლათ წავა. ვის ეკრძალება მომხსენებელი? თუ მხოლოდ იმას დავკაყოფილდით, რასაც მომხსენებელი კმაყოფილდება, საქართველოს საზღვრებში მოექცევა: მხოლოდ ამიერ-კავკასიის ყველა გუბერნიები და ოსმალეთის რამდენიმე ვილაიეტი (შუა მდინარესაც აქ ვანგარიშობ). რად ავიწყდება სპარსეთის ტერიტორია, სადაც 100 ათასზე მეტი ჩვენი

თანამემამულე ცხოვრობს? სად არის პირინის ნახევარკუნძული, სადაც ბასკები ანუ იგივე მოსკები, ე. ი. მესხები და იბერიელები ცხოვრობენ? გულუხვობამ კინაღამ დაგვიღუპა საქართველო, ეს კარგად უნდა ახსოვდეს პატივცემულ ს. კ—ის და ცოტა ხელმომპირნეთ მოიქცეს, მით უმეტეს, რომ ჩვენ სხვისას როდი ვითხოვთ რასმე, არამედ ჩვენი გვინდა მხოლოდ შევინარჩუნოთ!...

შემდეგ მ. ად—ლი წამოიღვა. ამ ორატორის აზრით აუცილებელივ საჭირო იყო ბალკანეთის შემოერთება; ეს ტერიტორია დღესაც ჩვენ მამაბაბათა ძვლებით ჰოხიერდება და სისხლით ირწყვის, რადგან ალბანელები, რომელთაც ამ კუნძულის ნაწილი უქირაეთ ქართველების წინაპრები არიან. გარდა ბალკანეთისა სამართლით ჩვენ გვეკუთვნის კუნძული „სიცილიაც“. ნუ თუ სახელი ამ კუნძულისა საკმაოთ არ ამტკიცებს, რომ იგი ქართულია და და ქართველებს უნდა დაუბრუნდესო!

საქმე რომ კენჭის ყრაზე მიდგა, ობონენტების აზრს თვით მომხსენებელიც მიემხრო და გადაწყდა, საქართველოს ტერიტორიით, გარდა მომხსენებელის მიერ ნაჩვენებ ადგილებისა, ჩაითვალოს: ბალკანეთი, პირინი, სიცილია და ფერეიდანი.

შემომხსენებულ ისტორიულ საზღვრების აღდგენა მეტად ადვილი საქმე გამოდგა.

პირველათ ოსმალეთს მიმართეს და წარუგზავნეს ერთი მეგობარ კავკასიელ მაჰმადიანთავანი, რომელიც წარსდგა ხონთქრის წინაშე და სთქვა:

— მაჰმადიანთა გულწრფელი მეგობრები, საქართველოს უუკეთილშობილესნი და უშიშარნი შვილნი, სამართლიანათ მოითხოვენ თავიანთ მიწაწყალს...

— კმარა! არ გაათავებინა ხონთქარმა და იქვე ჩამოუქრა მთელი ჩრდილო მცირე აზია და მესობოტამია..

შემდეგ ალბანელებს შეატყობინეს თავიანთი განზრახვა.

ალბანელები სიხარულით ცას ეწიენ და შემოთვალეს: გინდათ—ჩვენ გადმოვსახლდებით მანდა, თუ არა და—ერთი მმართველი ანუ მთავარი გამოგვიგზავნეთო.

ქართველებმა ისევ მთავრის გაგზავნა არჩიეს. ალბანეთის მთავრათ სრულად სამართლიანათ, გვარიშვილობისა და წარჩინების მიხედვით, სამსონ დიდიანი დადგინეს, ჩასვეს სამეფო იახტა „ფასკუნჯი“ და ბალკანეთისაკენ გაამგზავრეს დიდი ზემით. — გაუმარჯოს ალბანეთის მთავარს, სამსონ

პირველს—დაიქეჩა ნაპირზე შეგროვილმა ხალხმა, როცა გემი ის იყო ხმელეთს წყდებოდა.

—გამდლობთ, ქართველნო! როგორც ქართველი მამულიშვილი, მე ვამაყობ და მიხარობ, აღბანულების, ე. ი ჩვენი წინაპრების, მმართველობა რომ მარგუნა ბედმა და ჩემს სამშობლოს რომ ეტოვებ, მხოლოდ პუბლიცისტური მოღვაწეობა მენანება!..

—გაუმარჯოს!.. კვლავ იგრილა ხალხმა. „ფსაკუნჯი“ შეურხველათ მოწყდა ნაპირს და ზღვის სარკვეზე გასრიალდა..

ფერეიდანის, პირინეის და სიცილიის შემოერთება კიდევ უფრო იოლი გახდა..

საქართველოს ყველა ისტორიული საზღვრები რომ აღადგინეს, შემოქმედებითი მუშაობას მიჰყვეს ხელი.

უპირველესი და ყველაზე საყურადღებო საგნები იყო: 1) ფსიხოლოგიურად შემომიჯენა თავისა თვისისა და 2) ნივთიურ ზღუდის გარეშემოდგმა თავიანთ ქვეყნისათვის“

ამ ორ საგანში უფრო საჩქარო და საადვილო მეორე იყო.

ამიტომ თავდაპირველათ საქართველოს მეტროპოლიის ნივთიური ზღუდე გარეშემოდგეს ე. ი, მთელ ახალ-აღდგენილ ტერიტორიას გურგანის ზღვიდან ვიდრე ჰონ ჯამდე და კავკასიონიდან ვიდრე ეფრატამდე ირგვლივ უჩყვევი და თვალუწვდენი ვალავანი შემოარტყეს და გარღუვალი თხრილი შემოავლეს.

შემდგომათ ნივთიურ ზღუდის გარეშემოდგმისა საქირა იყო ფსიხოლოგიურათ შემომიჯენა ქვეყნისა. ხოლო, ვინაიდან ფსიხოლოგიური მიჯნართული ცნება და შეიცავს რელიგიურს, ზნეობრივს, გონებრივსა და სხვა მიჯნათა ცნებებს, ამიტომ ამ საქმის შესრულებას ნაწილ-ნაწილ შეუდგენჯერ რელიგიურ შემომიჯენას მიჰყვეს ხელი.

მართალია, თანახმადა პ. მირიანაშვილის გამოკვლევისა, ღვთისმშობელი ქართველი ქალი იყო—შეგრულთ თავადის მხეიძის ასული—და, მაშასადამე ქრისტეც, ვითარცა უცოდველათ შთასახული, წმინდა სისხლის ქართველი იყო, ასე რომ საქრისტიანო რელიგია ქართულ ეროვნულ რელიგიათ ჩაითავებოდა, მაგრამ სხვა ხალხნიცა და ერებიც ხომ აღიარებდნენ ქრისტეს სარწმუნოებას! მაშ სადღა იყო მიჯნა ქართველთა და უცხლელთა რელიგიათა შორის! საქირა იყო ისეთი რელიგია, რომელიც—გარდა იმისა რომ ეროვნული იქნებოდა—სავსებით საკუთარიც ყოფილიყო, ე. ი. არც ერთს სხვა ერს, გარდა ქართველებსა, ეს რელიგია არა ჰქონოდა.

სწორეთ ასეთი გამოდგა ქართველთა წინაპრების სარწმუნოება, რომელსაც სტრაბონი ასწერს თავის გეოგრაფიაში, სახელდობთ მთვარის თაყვანისცემა.

ეს წმინდა ეროვნული და სავსებით საკუთარი

რელიგია გამოაცხადეს სახელმწიფო სარწმუნოებათ და მთელს ქართველ ერს მიადგინეს.

ამისდაგვარათ საქართველო კვლავ დაუბრუნდა თავის ძველ ღმერთს, მთვარეს, რომელმაც მიიღო ქართველი ხალხი, როგორც მშობელი მიიღებს შემცოდებსა და მონანიებულ შვილს.

რელიგიურათ შემომიჯენის შემდეგ ჯერი მორალურ თავისებურობის აღდგენაზე მიღდა. აქ ძალიან უშველა ქვეყნის გამგეებს ქსენოფონტემ და პეროდოტმა, რომელთა თხზულებებში ვაკვრით მოთხრობილია ქართველთა უძველეს ტომების ყოფაცხოვრება. მსგავსათ თავიანთ წინაპრებისა საქართველოს მესვეურებმა სქესობრივი სირცხვილი ცრუ ზნეობათ გამოაცხადეს, სავალდებულოთ აღიარეს წინადაცვეთა და უმიზეზოთ ხტუნაობა და ცეკვათამაში.

აკრძალულ იქნა ყველა აწარსებული ტანისამოსი, როგორც არა ეროვნული (ჩერქიზული—ჩერქეზებისა; ქულაჯა და კაბა—ბოლონელთა ტანისამოსთან მსგავსების გამო, გურული—მავრიტანული სა ჰვავს) და შემოიღეს იმავე ქსენოფონტესა და პეროდოტის მიერ აღწერილი ჩაცმა-დახურვა და სამკაულები.

გამოქვეყნდა ბრძანება, რომლის თანახმადა მამაკაცებს ზურგისა და მკერდის კანზე ფერადი წამლებით სხვა და სხვა სახეები უნდა გამოეხატათ, წელნი ნადირის ტყავით შეერთყათ, თავს ხის ჩაფხუტები დაეხურათ და იარაღათაც ძველი ეროვნული იარაღი—15 წყრთიანი შუბები, დაწული ფარები და რკინის ტულეები—აესხათ.

მაგალითი თვით მესვეურებმა მისცეს ხალხს და პირველათ ესენი გამოეწყენენ ახალ ეროვნულ ტანისამოსში. მშვენიერი სანახავეები იყვენ ტანდასურათებულთ, ჩაფხუტ დახურული და ოთხ-ოთხ საყენიან შუბებით შეიარაღებული ს. კ.—ია, რ. გაგაფილი, დ. კასრადე და შ. აღ—შვილი. რაღაც პირველ ყოფილ მამაკობასა და აღტყინებას გამოხატავდა მათი სახის მეტყველება და სხეულის ახოვანება..

დასასრულ საქირა იყო დედაენის განწმენდა და გასუფთავება.

არა თუ მეოცე საუკუნის ქართული, რუსიციზებითა და პროვინციალიზმით წარყვნილი, თვით რთსთაველისა და კიდევ უფრო ძველ კლასიკოსთა ენაც არ იყო წმინდათ შენახული.

სპარსულის, ბერძნულის, ლათინურის და სხვა სიტყვების სიმრავლე ქართულ ლექსიკონში, სომხურის უცილობელი გავლენა და თვით ის მეცნიერულათ დასაბუთებული ფაქტი, რომ ქართული ენა სომხურიდან წარმოსდგებოდა, საკმაო საბაზს იძლეოდა, რათა ჩვენ დროში ქართულათ აღიარებული მეტყველება ანტიეროვნულათ გამოეცხადებინათ და ბეჯითსა და დაუღალავ შრომას შესდგომოდნენ, მოსვინიკების, ტუბალბისა და სხვა ძველის-ძველ ტომთა დილექტების აღსადგენათ და შემოსაღებათ,

ძველი ლურსმული წარწერების წაკითხვამ და მეცნიერულმა შესწავლამ ბრწყინვალე ნაყოფი გამოიღო და საესებით განახლებულ იქნა ენა, რომელსაც ჩვენი წინაპრები ქრისტეს წინ XX საუკუნეში ლაპარაკობდნენ.

აი, ეს ენა გამოცხადდა სახელმწიფო ენათ, ყველასათვის სავალდებულოთ, ნაცვლათ ცრუ-ქართულისა, რომლის ლაპარაკი კანონის ძალით სასტიკათ აიკრძალა.

ამით დასრულდა საქართველოს ფსიხოლოგიურათ შემოშიჯნვა.

ასეთი ბრწყინვალე დაგვირგვინება ეროვნულ აღორძინების საქმისა დიდებულ საერო დღესასწაულებით აღინიშნა: საქართველოს ყველა დაბა-ქალაქებში და სოფლებში ახალ მთვარიან ღამეებში საუცხოვო კოცონები ენთოო. ამ კოცონებს გარს ეხვივნენ გატიტვლებული მოფერხულები და მთელ ღამეობით ცეკვა-თამაშით და ჟივილ-ხივილით უტრიალებდნენ მოგუზგუზე ცეცხლს მოწყალე ღმერთის, მთვარის, სადიდებლათ.


ერთად ერთი ქართული გაზეთი, „ერთობილი ქართლის“ ნებისა და სურვილების გამოშხატველი, „საქართველო“, რომელიც, რა თქმა უნდა, აღორძინებულ ქართულათ სწერდა ლურსმული ნიშნებით, სხვათა შორის აღნიშნავდა შემდეგს:

„... პრწლმინტყვეფ ქშინჴ ბრღლუზჴუ რვეზუყლავ ცლონჯღიღმ, სპრღონზღიღმ ვრქჴოტ ფზ... დკესრერმ მხადშვილჴ შიქღაბ ლახუბრწმენჴ. ლაკრჴიმ ქყლუბ, ფეჴჴ, ფეჴჴ!“.

თავუნა.

P. S. თუმცა ამ ჟამათ აღორძინებული ქართული ყველას ესმის, მაგრამ მაინც ვთარგმნი ამოწერილ სტრიქონებს: „დღესასწაულის სახსოვრათ (ზემოთ აღნიშნულ დღესასწაულზეა ლაპარაკი) რევაზმა ლოყებზე წითელი კნუტები დაიხატა, ს. კ—იამ ბრინჯაოს რგოლი გაიყარა მარცხენა ნესტოში, დავ. კასრამემ და ად—ღმა საყურეები დაიკიდეს. ჩვენო სამშობლოვ, წინ, წინ!“.

თ—ნა.



პოეტი და კრიტიკოსი.

პოეტი და კრიტიკოსი დამოზილდენ. გაუდგენ გზასა. კრიტიკოსმა უთხრა: მე ლექსს შევთხზავ, შენ კრიტიკა გამოიკეთეო. ძალიან კარგოო. კრიტიკოსმა შეთხზა:

„უტებ ღამით, უღრან ტყეში ტიტანურად მივბაზღებ, ვის არგია ჩემი ღვაწლი, არ დაგიდევ, არ დავეძებ. მზის ქსოვილში გავეხვევი, თავს დავიდგამ კარვათ მთვარეს, ცისარტყელას ხელნი ვიპყრობ, გავაგოებ არე-მარეს. მოირთვება ზეცა არისხვით, ბელსებელი გამიწყრება, მაგრამ ჩემი მტკიცე გული არ შედრკება, არ შედრკება“.

პოეტმა გააკრიტიკა:

„მას აქეთ, რაც აღამიანმა ლაპარაკი ისწავლა— (ეს დრო კი ისტორიას არ ახსოვს), პოეზიას მხოლოთ ერთი დანიშნულება ჰქონდა: ესთეტიური დატკობა. ამიტომ ვინც პოეზიაში რაიმე აზრს ეძებს, აშკარათ ამტკიცებს საკუთარ უაზრობას. ეს, რასაკვირველია, იმას არ ნიშნავს, თითქო პოეზიაში აზრის ნატამალი არ უნდ ამოიძებნებოდეს. პირიქით, რაც უფრო პოეტურია ესა თუ ის პოეზია, მით უფრო გრძნობიერი და ღრმა-აზროვანია იგი. ჩვენ მხოლოთ იმის თქმა გვინდა, რომ პოეტის ინტუიცია სხვა არის და მათემატიკური უსულიო ფორმულები კიდევ სხვა. ზემორე თქმულის შემდეგ აშკარაა, თუ რა პრინციპით ეხელმძღვანელობთ ჩვენ კრიტიკის დროს. დაუბრუნდეთ ჩვენს ავტორს. პირველივე სტრიქონი გავგრძნობინებთ, რომ თქვენ პირველ ხარისხოვან პოეტთან გაქვთ საქმე. უტებ ღამით ის ტიტანიურათ მიბაზღებს უღრან ტყეში. მაგრამ ვალაპარაკოთ თითონ ავტორი: „ვის არგია ჩემი ღვაწლი, არ დაგიდევ, არ დავეძებ“. ამ ტაეებში ავტორმა საუცხოვოთ დაგვისურათა თავისი ღრმა ბუნება, რომელსაც თითონ შეუქმნია თავისი მიზანი და მისწრაფვ-ს მისკენ. ის არავის ემორჩილება და ვერც ვადაზვევინებს ვინმე მას არჩეული გზიდან. ეს ტიტანიური მისწრაფება წითელი ზოლივით არის გატარებული მთელ ლექსში: რაც უნდა მოხდეს, პოეტის გული არ შედრკება, არ შედრკება“. ჯადოსნური მომზიბვლელობით აქვს

დახატული, თუ როგორ ეკავშირება ავტორი ბუნებას: „მზის ქსოვილში გავეხვევი, თავს დავიდგამ კარვით მივარეს, ცისარტყელას ხელში ვიპყრობ...“ ჩვენს ღარიბ მწერლობაში ეს პნრველი მაგალითია, რომ ბუნება ასე მძლავრათ ემოხრჩილებოდეს ადამიანს. უტყველია, ავტორი ახალ უკოლას ქმნის, ახალ მიმართულებას აყალიბებს. ვის უგალობს პოეტი? რას ემსახურება მისი ქნარი? ის არ არის არც მზის პოეტი, არც მთვარის, თუმცა ორივეს ახსენებს თავის ლექსში. მისი პანვი ერთნაირად სწვდება ტყეს და ღამეს, მჭეს და მთვარეს, ცისარტყელას და ბელუზებელს. ჩვენი ავტორი ტიტანიური პოეტია. ამ სიტყვის უკეთილშობილესი მნიშვნელობით. მაგამ არ შეგვიძლია არ აღვნიშნო ერთი ნაკლი, რომელიც ახლავს ავტორს. ეს არის რითმის სიღარიბე. ავიღოთ მაგალითად პირველი ტაეპი. აქ მიწყობილია სიტყვები: „მივამიჯებ“ და „არ დავეძებ“. ზმნის პირველ პირს თითქმის ყველგან ასეთი დაბოლოვება აქვს ქართულ ენაში: „ვაეფუქებ“, „გავაოხრებ“, ასე რომ ამ წესით დაუსრულებელი რითმების დაწყობა შეიძლება. ავტორს სხვა ფორმა რომ აერჩია, უკეთეს იზამდა. იმედია, ტენიკის მხრით. ის თავის ლექსებს მომავალში უკეთ ჩამოასხამს და მით დიდ სამსახურს გაუწევს მშობლიურ ლიტერატურას“.

პოეტმა გაათავა.

— უკეთეს კრიტიკას მეც ვერ დავწერდი, სთქვა კრიტიკოსმა.

— უკეთეს ლექსს ვერც მე დავწერდი, მიუგო პოეტმა.

— არა, დემერმანი, ვარგა ჩემი ლექსი?

— მშვენიერია.

— მაშ მოდი მე პოეტობას დავიწყებ.

— მე კრიტიკოსობას.

— კრიტიკოსობა ადვილია: აიღე რომელიმე ავტორი და ან აქე, ან აძაგე; თუ გინდა კიდევ აქე კიდევ აძაგე, პოეტობა კი... — პოეტობა სულ ადვილი საქმეა.

— როგორ? შენ რომ ოლიმპზე ფრენ, მუხებთან საუბრობ, ვანა ეს ადვილია?

— ადვილია, მაშ რა არის? ჩემი აზრით, პროზით წერა მეღექსეობაზე ძნელი უნდა იყოს. ჩვენი ენა რითმების მადანია. აიღე მაგალითათ ძირი „რიალი“ და მიუმატე თავში რაც ქართულში ანბანია, — გამოვა სულ სხვა და სხვა მნიშვნელობის სიტყვა: ბრიალი, გრიალი, ზრიალი, კრიალი, პრიალი, ჯრიალი, სრიალი, ტრიალი, ფრიალი, ქრიალი, ღრიალი.

ალი, ღრიალი. ყრიალი, შრიალი, წრიალი, ხრიალი კრიალი და სხვა. ჰა, როგორია?

— ბიჭოს, ეგ კარგი მასწავლელე ჩემი ხელობა კი მქონდა, მარა ეგ მეღექსეობაც კარგია.

— მალე მოგებზრდება. ახლანდელ უკუღმართ ღროში ლექსებს მხოლოთ კრიტიკოსები კითხულობენ, კრიტიკას კი ხმოლოდ პოეტები. აბა რა დახლი დადგება ასეთ ქესატ ხაღზში!

— მარ თალია. მაგას უნდა უწამლოთ რამე. ხალხი ახლა წიგნებზე დროს არა კარგავს. არ უნდა შავი ასოების კრიკითი დაიდალოს თვალეები, ის რჩეობს ცოცხალი ასოები განსჭერტოს და ესთეტიკა დაიკმაყოფილოს. იცი რა? მოდი ცოცხლათ მოვევლინოთ ჩვენ მკითხველებს. პოეტი და კრიტიკოსი ერთათ სტენაზე, ჰა? რას იტყვი, ძლიერ ორიგინალური იქნება.

— მერე რა უთხრათ?

— შენ ლექსი წაიკითხე, მე იქვე გავაკრიტიკებ, ან ორივემ ლექსები წაიკითხოთ.

— ქუაში მომდის. ვნახოთ მაინც რა გამოვა. პოეტმა და კრიტიკოსმა გადასწყვეტეს ლიტერატურულ დილა-საღამოების მართვა.

ღარაჯი.



საფაქილეს*)

(მწარე დიდინი დამშეუქლის).

მინდა რომ მოგილიდინო ჩემო თიხისა ქილაო!
უკანასკნელი ნაფერთხი შენი დღეს მოიზილაო;

გამოცხვა მქადი კოკორა,
მივირთვით კი მადითა,
შეზაებულები მწვანილოთ და ტყემლის შეკამადითა.

გამოძღა მთელი ჯალაბი,
ლხენა დეტუკა კერასა

*) საფაქილე — ფქვილის შესანახი თიხის ჭურჭელია გურიაში.

და აი სწორეთ ასეთ წუთს
კუჭიკ ან მიშლის მღერასა:

შენი ჭირიმე, საფქვილეც,
ჩემო თიხისა ქილაო!
უკანასკნელი სიმღიდრე
შენი ღღეს მოიზილაო...

უკანასკნელი!.. ეგ რა ვსთქვი!
ხვალ რა სამსახურს გამოვიწვი?
მოგმართავ დიდის იმედით:
მოვალ და სარქველს აგვიწვი.


აესწვი და ჩამოვიხედავ:
ენახოთ, სავეც ხარ ფქვილითა!
ლხენით გარს შემოგხვევივართ
მთელი ცოლი და შვილითა.

ჩვენ ვხარობთ... შენც გიხარია...
ლხენა ეტყობა კერასა...
ო, რა ტკბილია ოცნება!
ის მამბედონებს მღერა...

ჭირიმე შენი, საფქვილეც,
შენ ჩემო თიხის ქილაო!
უკანასკნელი ნაფერთხი
შენი ღღეს მოიზილაო.

გამოცარიელბირქვევდი,
ჩაპირშავბნელდი განაო,
ხვალ ან კვლავ უნდა აგავსო,
ან მკერდს დავიცე დანაო...
ენახოთ, თუ როგორ აიხსნას
ეს ძნელი ამოცანაო!..

ონისიმე.



ბზინაჲ.

საყოლი.

მრავალნიკიერი მწერალი ი. გედევანიშვილი „სახალხო ფურცლის“ მე-288 ნომერში ეცება ფრიად საყურადღებო საკითხს ჩვენ მწერალ-მოღვაწეთა მატერიალურ უნუგეშო მდგომარეობისას და სხვათა შორის ბრძანებს:

„თუ ყოველი დაწესებულება ვალად სთვლის უზრუნველ ჰყოს თავისი მოსამსახურე გაკვირებისაგან, საზოგადოებაც, რომელსაც მწერალი თავის სისხლით და მთელი არხით შექმნილ ნაშრომს სწირავს, ამით ვალდებულია.

ჩვენ გვყავს რამოდენიმე საზოგადო დაწესებულებანი, რომელთაც შეუძლიანთ საერთო ძალით მოუარონ ამ საქმეს“.

მართლაც რომ ჩვენ გვყავს ეტნოგრაფიული, სიტყვა-კაზმული, კულტურის მოყვარული, წერაკითხვის გამავრცელებელი და მრავალი სხვა საზოგადოებანი, ხოლო გვაქვს სულ რამოდენიმე საზოგადო მოღვაწე და ნუთუ მოვლა ასე ძნელია?

საბავშვო მათემატიკა.

საბავშვო ჟურნალ „ნაკადულის“ მეოთხე ნომერში (მოზრდილთათვის) ჩვენი დაულალავი მოღვაწე ივ. როსტომაშვილი განაგრძობს თავის მეცნიერულ წერილებს: „ბრძოლა ადამიანისა ბუნებასთან“. ამ ნომერში ის ეცება გვირაბებს. სხვათა შორის ასწერს იტალიასა და საფრანგეთს შორის გამოქრულ მონ-სენის გვირაბს.

„გამოიანგარიშეს, რომ მონ-სენის გვირაბი იქნება სიგრძით 11 ვერსი და შეუდგენ საქმეს ორსავე მხრიდან. გვირაბის გამოკრა და გამოკვეთა პირველად მძიმედ მიდიოდა. გვირაბის გამოკვეთას შეუდგენ 1857 წელს და პირველ ოთხ წელიწადში მარტო 12 ვერსის გაკრა მოახერხეს. ასეთი კუს ნაბიჯით რომ განეგრძათ საქმე, მთელი გვირაბის გაკრას სულ უკანასკნელი 25 წელიწადს მოუნდებოდენ“.

უნდა გავიგოთ: რა ზომისაა ქართველი მეცნიერის აზრით ევროპელი კუს ნაბიჯი. პირველ გამოცნობს ჯილდოთ მიეცემა ივ. როსტომაშვილის მეცნიერულ შრომათა კრებული.

მოწინავე.

იოსებ იმედაშვილის მოწინავეებმა (თეატრსა და ცხოვრებაში) სამართლიანად დაიმსახურა ქარ-

თველი ერის ყურადღება. აი რასა სწერს იგი კოტე მესხის შესახებ:

„მკვდარია, ვინც უმოქმედოთ ჰკლავს დღეთა თვისთა. კოტე მესხი კი ასეთი არ იყო.

ყოველი კუნთი მისის სხეულისა, ყოველი მიმობა მისთა თვალთა, სიცოცხლის წყარო იყო“.

სამწუხაროთ კოტე მესხს არ ვიცნობდით პირადათ, მაგრამ ჩვენ ყოველთვის განცვიფრებაში მოვყავდით ბ-ნი იოსებ იმედაშვილის თვალთა მიმოხვრას, ყურების გამომეტყველებას, ცხვირის შორს მჭკრეტელობას, შუბლის მკვეთრ მჭევრ-მეტყველობას და პიტალო ენას. ქეშმარიტათ მრავალნიჭიერი და ენერგიული მოღვაწე გვაქვს ქართველებს.

ცოცხალი „ცულ-ძალა“ (Чучело).

საკმაწვილო ჟურნალ „ნაკადულის“ მე-8 ნომერში (მცირე წლოვანთათვის) ქ-ნი ელ. ანტონოვსკისა სწერს:

„ნინომ (პატარა ბავშვია) ბუჩქი გადასწია და დაინახა ტომარაში რაღაც იძვრის, ბრუნავს, წმუტუნებს.

— იქება ბავშვია?—ეკითხება ვანო,— ან კურდღელი?


— ძაღლია, ვაწყვეტინა ნინომ, გახსენი.

ძლივს გახსნეს თოკი.

მუცელზე ჩოჩვით გამოაცოცდა ჩალოთ საგსე პატარა თეთრი აბურძენილი ლეკვი, მეტად სასაცილო, მოკლე ფეხბიანი“.

ქეშმარიტათ, რომ სასაცილოა ჩალით ხავეს ლეკვის მოძრაობა, არა თუ წმუტუნნი. ჩვენ ისე გავგანებებთ ცხოვრებამ, რომ თანამედროვე ხელოვნებისა და ტენიციისაგან აღარაფერი არ გავიკვრებთ.

—კი.



ოჯანჯვას ჩივილი

(გუზღენი გ. ვანჯეს)

მე როგორცა ვხედავ ეს ვაინა აღარა თავდება. რა გახდა კაცო, ამისთანა გაუთავებელი მიკვირის უფლის მადლმა!

... არა ძმაო, ჩხუბსაც თავისი ანგარიში უნდა. სად ევროპეიწკი ხალხი და სად ჩხუბი! ცილინდ-გალუსტიკიანი კაცი და ჩხუბი!. აფსუსი არ არის ჩენი კრივები! აი ლაზათიანი დაზულა და მასაჟი მაშინ იყო. ურარო რომ დაიძახებდენ სულ ერთ საათში გათავდებოდა ანგარიში. ან ერთი სტორონა მიიგებდა, ან მეორე. ამათ გააბეს ფეიქრის ქსელივით და რომ აღარ ათავებენ! აიღე რაღა და მიდი რეშიტელნათ. ან ჰო, ან არა. დააფარე ფათრეთში, რომ თვალტეში ელექტრიჩესტვა დაუნთო. დამდგარან მამაცხოვნებული-შვილები და ტრახხობენ: კიდევ ერთი სანტრიმენტრი წინ წავიწვიეთო. ვაი ჩემი სიყრმე მოკვდეს, თუ ერთი სანტრიმენტრი კი არა ვისაც დაფარტყა სულ ერთი ვერსი არ ვარბენინო. აფსუს სად არის საწყალი ძია გიგო! აი, ჩხუბი და კრივები იმან იცოდა. განა თათარს ამდენს ალაპარაკებდა? განა რა გახდა ეს დარდანელი დიდი, დიდი სულ ორ-სამ საათში გაარღვევდა, ისეთი ვაჟკაცი იყო ის ცხოვნებული. ეხ, მახლას! არა, კაცო ეს იტალიანწკი გოსუდარსტვა დროზე მაინც გამოსულიყო. იძახიან ვაჭრები დასახრჩობი ხარ თო, შაქარი ვააძვირეთო. ქრისტიანო, ამოტოლა გასუდარსტვა მთელი წელიწადი ევაჭრა ავსტრიის ხელმწიფეს და უნდოდა რაც შაიძლება მეტი აეწაპანა. ასწია იმ კაცმა და საითაც ხვირი ნახა იქით გადავიდა, თუ კი ცეკნი გასუდარსტვა თავის მოგებას ქმებს, რა დიდი საქმეა რომ ვაჭარმა გირვანქა შაქარზე ხუთი-ექვსი შაური მიიგოს! მე რომ ერთი ორი შაური მეტი ავიღო ის უფრო მადლი არ არის! გასუდარსტვას რათ უნდა მოგება ისეც ბევრი ფულეები აქვს. ამ ჩვენ გაზეთის მჯღაბნელებს სულ ვაჭრები აკერიათ პირზე რაღა! მთელი გაზეთები ვაჭრების გინებითაა სავესე. ამისთანა აღებულ ფულს გემო აღარა აქვს უფლის მადლმა! ორ შაურს საქონელში ვიგებ და სამი თუმნისასა მლანძღამენ. აღამიანო, ძვირათ ვყიდულობ, ძვირათ ვყიდი, მაშ რა ვქნა! აი ვაინა

გათავდეს, საქონელი გაიფდეს და პირდალი ვიყო
 თუ მეც იაფათ არ გაფყილო, მაგრამ ეს ვაინაც
 რომ აღარა თავდებამ ვნახოთ ეს იტალიანწყვი გა-
 სულდარსტვა რა ვაჟაკობას გამაიჩენს. ალბათ იხამს
 რასმეს, რა ვიცი ერთი წელიწადია პრიგატავლე-
 ნია აქვს და ირთვება ოქროყანელი პატარძლივით
 და ნეუყელი უნარს ვერ გამაიჩენს! პამეტნიკებს
 ძალინა სთლიან და ნეუყელი ქვის დამმტვრევი
 ხალხი კაცებს ვერ დაამტვრევინ! ვნახოთ რა ოქნება!

გოგია.



ბედის წერა.

ერთხელ გლეხმა გზაში ნახა
 მკვდარი კაცის თავის ქალა.
 ფეხი წაკრა, დამხობილი
 წალმა გადმოატრიალა.
 და შენიშნა: შუბლზე ჰქონდა
 მას წარწერა ოთხი ბუკარი
 შინაარსით უცხო რამე,
 საკვირველი, საოცარი.
 — „ვაი, უწინ რა ვიყავი,
 ვაი, აწ რა ვიქნებოი...
 ვაი რასა მოვესწარი,
 ვაი, რას მოვესწრებოი“.
 გაუკვირდა გლეხს. ამგვარი
 ჯერ შემთხვევა არ ენახა
 და შემდეგში რა მოხდებოდა
 მის გაგება განიზრახა.

წამოიღო თავის ქალა
 და შინისკენ გამობრუნდა
 შეინახა იგი ყუთში
 და თავის გზას დაუბრუნდა.
 დაფიქრა იგი მწარედ
 რას ნიშნავდა ეს წარწერა;
 ვარესს რაღას მოუშზადებს
 გაბრეკილ თავს ბედის წერა?!
 განა იგი აღარ კმარი
 რომ იქ ეგდო მინდორ-ველიათ
 უსამარო-უმატრონო,
 ყვევ ყორანთა საკორტნელიათ?

ამ დროს სახლში გლეხის ცოლმა
 ყუთს ახადა ფრთხილად თავი,
 და შეჰკვივლა რა იხილა
 საარაკო სანახავი.

— „გენაცვალეთ რასა ხედავს
 ამას ჩემი თვალებიო,
 მე რომ ქმარი მღალატობდა
 დიდი ხნიდან ვამჩნევდითო.
 მაგრამ სატრფო მოკვდომია
 დარდი ვერ დაუმაღლავსო
 და მის ქალას სამახსოვროთ
 საგანგებოთ ინახავსო“.

ეგ კი ველარ მოითმინა
 ქალა დასწვა, დაანელა
 და ფერფლი კი მონახვეტი
 ქმარს შემოუნახა ყველა.

რო დაბრუნდა გლეხი სახლში
 გრძელ შარა გზა მორებული,
 კართან ცოლი შეეფთა
 ძალზე გაკაპასებული.
 და როცა სცნა ყველაფერი
 გლეხმა, მწარეთ გაეცინა,
 სთქვა: „იმიტომ მოვიტანე
 განა მე ეს ძვალი შინა,
 რომ ჩემს სახლში მომხდარიყო
 ბედის წერა გამხმარ ქალის,
 და მეც მსხვერპლი გავმხდარიყავ
 მიხეზიან მტარვალ ქალის?
 ვაი ამა სიბერის დროს
 რაგვარ ცოდვას წავეკადე.
 მკვდარიც უნდა მოელოდე
 ხიფათს ქალის გაღამიდე.
 და ვინ იცის, თუ რა გვარი
 აწ სიკვდილით მოკვდებოი
 ვაი, რასა მოვესწარი,
 ვაი, რას მოვესწრებოი“.

ჭაბუკი.





ფრანც-იოსები. - მეგობარო, მოსჩანს რამე?
ვილჰელმ II. - მგონი იმ სატურნზე კი უნდა ცხოვრობდეს ვინმე. ხვალვე ომს გამოუცხადებ.

„დესტინიკის“ დღიური

დამღევი მარტი.

ასე იცის ცხოვრებამ, აბა! 1906-ში მე კი ბიქს შეძახოდენ აფხაზელები; თფილისში რომ გახლდი კნიაზ ამილახვართან ლაქიათ, მეც ქე მივარტყი ზაბასტოვკა იმ ჩემ ხაზეინც. მაგრამ მოგახსენოთ, თქვენ ხარ ჩემი ბატონი, მაშინდელი ქკვა სიფიქეთ მიმაჩნია და აბა სულ გიყვით ხომ არ უნდა ვიარო?... დღეს ავღმეტი და ვაშიშტრიქინებული თხოვნა მივართვი ბატონ პოლის მინისტერს ეგება გოროდლოვა მიბოდოს...

6 აპრილი.

დღეს მიმიღეს სამსახურში, და დღეს შეამკეს ჩემი შუბლი ლავაშისხელა აპრილებულ აბუყვილებულ კაკარდით. დღეს პირველათ გამგზავნეს საღარაჯოთ ზემო საფიჩისისკენ. კუბრივით დამევა, ცა დედამბერივით შეგებში ჩამსხდარა, ბნელ ქუჩებში ფარნის ბოქები საფრთხობელასავით დაყუდებულან და ალაგ ალაგ, ფუ; ფუ; ფუ; რა მყრალი ძორის სუნის სდის, ადამიანს სუნთქვა უძნელდება; იქით ერთ ალაგს ტბაში, ბაყაყებს კონცერტი გაუმართავს, „ყი-ყი-ყი-ყი, ყი-ყი-ყი-ყი“ — იძახიან და ერთ უშველვებელ ამბავში არიან. მე ერთ ალაგს რომ ველარ გავმელი ქუჩას დაუყვევი. ბიქოს რაღაცა რბილ საგანს წავებორკე და კინალამ თხლემა გავადინე... ეს რა ამბავია? — გავიფიქრე უცბათ და „სპიჩკა“ ავანთე, უუ დაგლახვროს ღმერთმა, მკვდარი ძალი... ეს უსათუოდ ამ დამეში შამო-მაპარეს, რომ დაღამდა მაშინ გადმოუთრევი ვიღაცას, მარა, ერთი შემეხედა იმისთვის, იმას შევაღურაქებდი რიგიან პირიანად... მაგრამ რა გინდა რა, ეს დასაქცევარი ქუთაისი მართლაც უპატრონოა; ქალაქის ღლასნები და სანიტარები მარტო ბულვარდს უფლიან გარემეო.

8 აპრილი.

ამ ხნის განმავლობაში, ჩემთვის არაფელი შესანიშნავი მომხდარა. დღეს ნაშვადღევს კი რავარც იყვ, ორი საათის ძილი მომანიქეს, მარა ხელათ წამომბაბუზურეს; არიქა „ბაჟარია, ბაჟარია“; წამოვარდი, ნამძინარები სით გავბოდი არ გამეგებოდა... აქეთ, აქეთ, ვიღაცა ყვირის მოსახვერში, და მეც იქით დავეშვი... ოო, დიდი ცეცხლია ორ სართულნიან სახლი იწვის, ახაბაკებული ხალხი ბაღლინჯოვებით დაფუნდრუკობენ, ჰა, მოვარდა „ბაჟარკამანდაც“; მოაწინწილეს ერთი ბოქკა წყალი,

ფშუკ, ფშუკ, ფშუკ, და წყალი გამოილია. და რამდი მეორეთ მოიტანდენ ცეცხლი მთლათ შამოეპუწურა. როდესაც მთლათ დეიწვა და დეიფერფლა, ერთი ბოქკა წყალი დაასხეს ორ ხის ბოდს და რავარც იყო ვადაარჩინეს.

11 აპრილი.

ეს დღე, თქვენ ხარ ჩემი ბატონი, ჩემისთანა ჯიბე ვაბრილატებულისათვის სწორედ სადღესასწაულა; საღამო ხანს მოგეხსენებათ, პოსტზე ვახლავარ... ოეს საღამო პოეტურათ რომ ავიწეროთ, ასე დევიწყებ“. ცა, თეთრი მექმეებით გაივსო, ქუჩებში „ფაიტონები“, „ქებამის“ სისტემაზე დატრინინობენ. ბაყაყები ჩვეულებრივ კონცერტს მართავენ, საღამოს ნიავი ხანდისხან, ოდნავ გაყო-სივით სხვა და სხვა ძორისა და შმორის სიმყრალეს.

ავგერა ერთი ვიღაცა ცხენს მოავივლებს, და დაძახება ვერ მოვასტარი კინალამ „ტროტუარებზე“ ვადამთელა. — ეი, შენ რა ამბავია, ამის თქმა და ჩემი ტლაპოში გადავარდნა ერთი იყო; ვი დედი-ჩემის ღმერთს, შენი თავი ჩამადგებია ხელში, და ცხრა კეც ტყავს ავადრობ ზურგზე, შე დურაქო, შენა... მაგრამ რას იზამ რა, ფეხდაფეხ ხომ ვერ მიეწევი გაქენებულ ცხენს. მე გევიწმინდე, „გევიჩისტე“, და ქუჩას დაუყვევი, მეფარნემ ერთი ფარანი აანთო, მეორეს ზედაც არ მიუხედა, მესამე ისე აანთო ხუთ მინუთში ფშუკ და გათავდა. მე შორიდან თვალს ვადევნებ; ის შევიდა მეღუქნესთან და ნამთი მიყიდა, ვებლექი! ამას პასმატრი გამოაბუზურე ღუქნიდან, ერთი და ორი, ერთი და ორი, ლეკურის ტარი ბარკლებზე. აი შე დურაქო შენა, შენ ნამთს ჰყიდი და ქუჩებს გაუნათებელს ტოვებ, მე აქანა ამღამ კანავოში კბილები უნდა ჩავიღეწო, თუ? მალე უჩასტკაში, მალე, თორემ.

— ბატონო, შენგენაცვალე, უკაცრავათ! დამიანქა, დაიკრიქა ქვიტირელ მებოლოკესავით.

— ხმას ნუ იღებ, წინააღმდეგი ხარ გესმის! და ორიც კიდე მივაყოლე.

— შენი ჭირივე, ბატონო იქ ნუ წამიყვან და... რგვალი მანათიანი ხელში ჩამიდვა. იმე, იმე, ამ გაცეცხლებულ გულზე მაღამო არ მომეცხო ეს პირველი საგერში, პირველი სიფთა. ჩქარა ფარნები აანთე, და აწი აღარ გაბედო თორემ... და იქვე მეღუქნეს შეუვარდი, როგორ შენ ქურდის ხელის დამცველი ხარ? ჩქარა ღუქანი დაკეტე და უჩასტკაში წამო მალე.

იმან ვაქრული ფანდებით დამიწყო „ლათაია“,

მაგრამ ცხელი დღე რომ მივაყენე იმანაც ქე მიჯი-
ბა ერთი მანათი. ამან მთლით გამამრთელა, სულ
დამაფიწყდა ცხენის დატაკებაც და ტალახში გასვ-
რაც. თუ აწიც ასე წავიდა საქმე, არა უშავს კი
დღობოდში ვარ.

13 აპრილი.


ოხ, რა ღვთის პირიდან შეჩვენებული და ეშ-
მაკის პირიდან წავარდნილი არიან ეს მოწაფეები:

მასწავლებელს, მოსწავლეს,
ჩინოსანს¹ თუ უჩინოს,
ადათათ აქვთ ყოველ დღე,
მუშტის ძალა უჩვენოს...
არ არჩვენენ ბრუნდს, და მართალს,
სიტყვის თქმას არ გაცლიან;
ცხვირ-პირში, რომ გვფეთხამენ,
თმა წვერისგან გაგცლიან“.

ბულვარდის გვერდზე ისე ვერ დავდგები, რომ
ორი და სამი არ დავიჭირო. მართალი რომ მო-
გასენოთ, მეც ქე მეშინია მათი; ვინიცობა ასტავ-
კა, რომ შევიტანო და უიარაღოთ დევიწყო სი-
არული, მეც ქე მიმბუყნიან სადმე. დღეს სადამოს
ბულვარდის გვერდით წესიერებას ვადვენებ თვალს;
თხლამ რალაკამ გააღინა ჩემს გვერდით; ბიჭოს, ეს
რა ამბავია! მოსწავლემ პატივცემულ მასწავლებელს
თხლიშა და ღამის მოჩვენებასავეთ გაჰქრა... მოდი
და სდიე იმას...

(დასასრული შემდეგ)

რეკეკე როკოკო.



შემთხვევა ყველაფერი:

(სადღეისო კუბუტეობა)

უშიზეზოდ ქარიც არ ჰქრის,
არც ბზუილობს კოლო-მწერი:
რაც ხდება და რაც არ ხდება
შემთხვევა ყველაფერი.

აი თქვენ ცოლს, მაგალითად,
წაუტახია ბლომიად ფერი—

(მასაც თავის მიზეზი აქვს)

შემთხვევა ყველაფერი!

ზშირად ნახავთ—მონაზონთან
დასეირნობს კახტა ბერი:
(ბერი უქმად ხო არ ივლის?)

შემთხვევა ყველაფერი.

ვთქვით ქრთამების მორვეიდან
წმინდათ, მშრალათ გამოძეერი
აქაც რამე მიზეზია,

შემთხვევა ყველაფერი.

დღემდის ჩენი ეშინოდათ,
დღეს კი ჩვენზე მოდგა ჯერი—
რა ვუყოთ, რომ ესეც მოქდა:
დემთხვევა ყველაფერი...

ირგვლივ მტერი გვახვევია—
თავში ურო, ცხვირში კვერი:
არც თუ ამან გაგაკვიროს.
შემთხვევა ყველაფერი!..

სევდიანი.

სამხედრო მიმოხილველი.

ქვეყნის, თუ ჩემი ჭირვ-ვარამით დატვირთული
დაღონებული მივდიოდი. წარბი ჩემი დაღუშული
იყო და კრიბა შეკრული. კმაყოფილების ნატამ-
ლსაც კი ვერ აღმოაჩენდა კაცი ჩემი სახის ნაკლებ-
ში. გულში სევდის კოცონი*) პრიალობდა.

— ოო, გამარჯობა! კაცო, შენა ხარ? მომეს-
მა უცებ ვილაკის ხმა.

მოვიხედე, ჩემი ძველი მეგობარი აღმასხან
კირკიტაძე. გაღამაზებულა, გამშენიერებულა, ტან-
ზე კარგი აცვია და ფეხზე: ხელში ტროსტი, უღვა-
შები ვილჭელმის, წვერები ასირიული—თოხის სო-
ლივით.

— საიდან სადაო, წმინდა საბაო! მეკითხება
და თან გეფივია მკოცნის, სიტყვის თქმას არ მა-
ნებებს. მატრიალებს აქეთ-იქით, ხარხარებს.

— სიცხე ხომ არა გაქვს კაცო, დაწყნარდი,
ვეუბნები ღიმილით.

აღტყინების წამებმა გაუარა, ცოტა დამჯღა-
რათ დამიწყო მუსაფი. გამოამკითხა ამ მთის, იმ
მთის ამბები.

— შენ ჩემი გაქირვება უნდა იკითხო, რა
დღეში ვარ, რა მქირს!

*) ეს იმ კოცონში არ აღუროთ რომაქიმემ რომ დაან-
თო. ავტორი.

— რა ამბავია, რა მოგსვლია?

— როგორ თუ რა მომსვლია? გაზეთის სამხედრო მიმოხილველი, ვარ გესმის?

— მერე რა არის აქ ისეთი? პირ იქით, დღეს ეს მოვალეობა ფრიად საყურადღებო და საპატიოა, მასთან საპასუხსაგებიც.

— ისე აშენდა მისი კარავი მე კი ამის რამე ვიცოდე! კაცო, შენ ჩემი გულითადი მეგობარი ხარ და გიშხელ, თვარა სხვაგან როგორ ვიტყვი ამას: რა ექნა არ ვიცი, პირდაპირ დავეტანჯე კაცი, სირცხვილით ვიწვი. დღეს ვეუბნები მკითხველებს. უთუოდ ასე მოხდება და ასე თქო, ვარწმუნებ, რომ გერმანელები სწორეთ ჩემი დანაწერის თანახმად იმოქმედებენ, მარა უცებ თავ-ზარ დამცემი დებეშა მოდის: სულ სხვა გზით წასულან, სხვა ადგილას აწვებიან. ჰო და რას ეუბნები ახლა მკითხველს, რით გინდა თავი იმართლო?

— როგორ თუ რით, შე დალოცვილო, — დასწერე, რომ ჩვენი წერილის შინაარსის გაგების შემდეგ, ჰინდენბურგი დარწმუნებულა, რომ საიდუმლო განზრახვა გაუგეს და ტაქტიკა უცებ შეუცვლია თქო.

— ერთი შენც ამბობ რაღა! ჩემი გამახარავება მოგინდომებია და ესა! მაგი რომ დაეწერო მერე ქუჩაში გავლა არ გინდა? ჰინდენბურგამდის როდის მიაღწევს ჩემი მიმოხილვა, კაცო, რას ამბობ შენ?

— შენ, ძმაო, არაფერი არ გცოდნია! რათ არ იცი, რომ შენი და შენისთანების სამხედრო აზრი გერმანიის მთავარ შტაბს სტამბიდან გამოსვლისათანავე აქვს შეტყობილი?

— როგორ, რაფერ?

— კაცო, არ იცი, რომ გერმანიის ჯაშუშებით ავსილია მთელი ქვეყანა? ჩიტი რო ჩიტი, უბრალო ბელურა, ისიც კი გერმანიის მთავარ შტაბის სამსახურში ითვლება და ყოველ წუთს ცნობებს აწვდის ჩვენს მტერს. ან კიდევ უშავთულო ტელეგრაფები: დამატკიცე ახლა შენ რომ სადმე შენს ახლო უშავთულო ტელეგრაფი არ არის გაბმული. ხომ ვერ დინახავ და როგორ უნდა გაიგო.

აღმასხანი ერთობ ჩააფიქრა ამ ამბავმა, ბოლოს სიტყვა შემაწყვეტია; მოხსნა თავი საბუთებს:

— არა ძმავ, შენ როგორც ვატყობ ვერ მიხსნი უბედურობისაგან; რო მანახა ის გერმანელები, პირდაპირ შევქაზდი ღმერთს გეფიცები! როგორ იტყვიან, როგორ მოქმედებენ! ხან ალთას მიდიან, ხან ბალთას. ომი რო დაიწყო მას აქეთ ვწერ მათ

შესახებ და დღეშდის ვერ გამიგია მაგათი გეგმა და ვერ მითქვამს გადაჭრით, თუ როგორ მოიქცევიან ხვალ. მკითხველებს კი ვარწმუნებ — სწორეთ ჩემ მიერ ნაჩვენებ გზით ივლიან თქვა. მეტი ორქოფული მდგომარეობა იქნება?

აქ კირკიტადემ მაგრათ ამოიხენეშა და უწინდელის სიტხარით განაგრძო:

— ომი რო დაიწყო, დიდის რიხით გავიძახოდი გაზეთის ფურცლებზე, რომ მსოფლიო შეტაკების ბედი უთუოდ პარიზის კედლებთან გადაწყდება თქო. ვამტკიცე, ვამტკიცე ეს აზრი და... უცებ, დაექცა გერმანელებს ოჯახი, ჩვენებს დაეტაკენ. ერთხანს კიდევ ვიძახე ეს უბრალო თავდაცვა და მეტი არაფერი თქო, მარა თან და თან ირკვეოდა, რომ საქმე სხვანაირათ იყო და მეც სიტყვა თავდაცვის მაგიერ ჩავამატე „აქტიური“ და გამოვიდა „აქტიური თავდაცვა“. კიდევ ცოტა ხანი და ამის მაგიერ სიტყვა შემოტევა ვიხმარე, თუმც ხანდისხან სიტყვის მასალათ ახლაც ვხმარობ ხოლმე, რომ გერმანელ-ავსტრიელებისთვის აღმოსავლეთ ასპარეზზე მოქმედება „ბოლოს და ბოლოს მაინც თავდაცვის საქითხა“. ამასთანავე ბედმაც ხელი შემიწყო: უცებ საზოგადოებაში დაიწყეს მტკიცება, რომ თავდაცვისა და თავდასხმის შორის სრულებით არ არის გარჩევა და ამ ცნებათა განსაზღერა წყლის ნაყვავაო.

ეს კიდევ ცოტაა, ახლა უარესათ თავსამტკრევი კითხვები უნდა აშუქო. სიდან შემოუტევენ ნემცები მთავარი ძალებით? სად არის დემონსტრაცია? რომელ ბრძოლას რა მოყვება და სხვა ასეთები. პირველათ ავიღე და ვამტკიცე, რომ გერმანელები ვარშავს ჯიქურ ებდღენებოდენ და ისე შეეცდებოდენ მის ალებას. ვიძახდი, სხვა გზა ამისთვის არ არის თქვა, გავიხედე და იმ წყეულებმა აფეუსტოვოს ხაზიდან შემოუტიეს. მეც ხელათ ფრონტი ვიცვალე და ეხლა ეს ასპარეზი დავსახე უმთავრესათ: ჩემებურის ვატაკებით ვამტკიცებდი, რომ თუმც გერმანელები პრასნიოთან დამარცხდენ, მარა მაინც კიდევ აქ მოაწვებიან და აქედან მოიტანენ იერიშს ვარშავაზე თქო. ავსტრიის ფრონტს კი ამ ხრივ ნაკლებ ყურადღებას ვატკევთ, იქ თუ შემოტევაზე ვინმე იფიქრებდა როგორ მეგონა. მარა ერთ სრულებით არა მშვენიერ დღეს. იმ წყეულმა ჰინდენბურგმა უბედურება დაუტრიალა. კიდევ კარგი, რომ ამ საშინელმა ომიანობამ მკითხველებს მესხიერება დაუკარგა და როგორც ვატყობ არავის არ ახსოვს ის, რაც გუშინ მითქვამს... თო-

რემ. შენი მტერია კეტით გამომაგღონ რედაქციიდან... აბა, ასეთ დღეში ვარ და შენ კიდევ რაღაცებს მიეღებ-მოედები, ასე უნდა მეგობარი?

ერთის მხრით რომ ჩემი მეგობრის მღვამარეობა ქეშმარტათ ტრადიკულათ მიჩვენა, მეორე მხრით მისი საყვედურიც კანონიერად ვცანი და ახლა სხვაგვარათ დავუწყე დარიგება, თანაც მეტი გულწრფელობა და თანაგრძნობის ელფერი მივეცი ჩემს ნათქვამს:

— იცი რას გეტყვი, ჩემო მეგობარო,— ტკილიათ ვუთხარი,— შენი მღვამარეობა მართლაც არ არის სახარბიელო, მარა გულს ნუ გაიტებს. იმედი გქონდეს. დააკვირიდი სხვა მიმომხილველთა აზრებს და შენც ისე მოიქეცი. ნურასოდეს კატეგორიულათ ნურც ერთ აზრს ნუ დაიცავ მაგალითად ასე: იმ შემთხვევაში.

. თუ გერმანელები დამარცხდენ და ჩვენი ჯარების უკან შემოვლია ვერ შეაჩერეს, მაშინ ვაი დამარცხებულთ. ნუ გაგვივიწყდება, რომ წინ მიმავალ კაცს დიდი სიფრთხილე მარაგებს: მათს დიდზე არ უნდა დაშორდეს, ტყეში არ უნდა დაიბნეს, საგზალი საკმაო უნდა ქონდეს და სხვა. თუ ყველაფერი ეს აწონილ-დაწონილი აქვთ გერმანელებს, მაშინ კიდევ ჰო, მარა თუ გავიწყებიათ, მაშინ კი შაბაშ მათი საქმე. დიახ, სწორე ამ ნაირათ და მაშინ გარწმუნებ, რომ შენი სინიდისის ქენჯნასაც ბოლო მოედება. როგორც უნდა ისე გაიგოს მკითხველმა— შენ კი შენი შესრულე— ერთად უთხარი, ავიცა და კარგიც, დანარჩენი მან იცოდეს. ხაზ გასმით გირჩევ— ყოველთვის დასწერე, რომ ვადაკარბებულ უიმედობას ნუ მიეცემით. თქო, ყველა ჰკვიანი მიმომხილველი ასე სწერს და შენც ასე მოიქეცი, გარწმუნებ, რომ არას წააგებ...

— ეებს, — ამოიკვნესა აღმასანამა და გომოსამ-შვილობებლათ გამომიწოდა ხელი, — დმერთო მაპატეე, რაც მე ამ ომიანობის დროს სისულელე ვროშე.. შენ კი, მეგობარო, სანუგეშო დიდი ვერა მითხარი, თუმც ეს უკანასკნელი რჩევა ჰკუაში მომდის. ნახვამდის.

კირკიტამის შეხვედრამ სრულებით ვერ შესცვალა ჩემი სულიერი განწყობილება და მე ისევ დაღონებული ვაგულექი ვხას,

ხუმარიანი.

P. S. მთავარო ეშმაკო! „ხუმარიანის“ ფსევდონიმით მე შენი მათრახის მკითხველები ძველათ არ მიცნობდენ. ვიხმარდი ძველ ფსევდონიმს, მარა არ ღირს, რადგან მე ვინცა ვარ შენც იცი და მეც და სხვებისთვის კი რა საჭიროა. იმედია ნებას მომცემ, რომ დღეიდან ამ ფორმით ვიარო შენს სამეფოში.

შენი ხუმარიანი.

მოჩვენება და სინამდვილე

(მაგარ სასმელების აკრძალვის გამო)

სასმელის აკრძალვით, კირ-გამოწვეული, დიდი, თუ პატარა, (ლოთობას ჩვეული).

სტიროდა, მოსთქვამდა კრემლებით ავად, რომ ველარ ილოთებს ძველებურ კვლავად.

მაგრამ ვინ გასწიროს ხალხისა იმედი? მხოლოდლა ცვლილება მოხდა აქ მკორედი...

პატენტი არ მისცეს... ან კი რათ სჭირია? უმისოთ, მალულათ იმზომათ ხშირია,

„გადაკვრა“, — ქეიფი, „პარალოს“ ძახილი — დამუნჯდეს ეშმაკიც, (თუნდ ენა-მახვილი...)

ამგვარათ, მოეწყო ეგ საქმე საძნელო, უბრალო გლეხ-კაცი, თუ ყოვლად სამღვდელო —

სულ ყველა ქეიფობს, დღეს უქველათა, ისევე, როგორაც ომამდე, ძველათა...
ახლათ-მოსული.

ავესტიკას აზრი ზვიგაზე.

კაცო, დიდი და პატარა ვაიძახის, თუ რათ მოდის ამდენი წვიმა ქალაქშიო?

დღე არ გაეგო, რომ ვოდოპროვოზ გიგუას კრანივით არ იყოს ეს ოხერი ცა მოშვებულო.

მიკვირს რაღა ამ ხალხისა; ვაა, რით ვერ მიმ- მხდარა ამ პროსტოი სლუჩის ამბავსა!

ერთხელა შუა ბაზარში ვარ გრიქულა ყასაბ- თან, ველი ოჩერედს, უცებ ცა მოიღრუბლა...დიდი და პატარა გარბიან, ზოგი დუქანში, ზოგიც სადა. გრიქულას დუქანშიაც რამდენიმე „პოჟოლუსტა“ ყმაწვილები შემოვარდნენ.

ისე იყვნენ დასველებულნი, იტყოდით უთუდ მტკვარში უბანავით ტანისამოსითაო. დაიწყეს ლა- პარაკი:—ცელი დენ ნუქნო დომა სიდეთო, ა კაკ ტოლოკი ვიდიშ გულიათ ნა ულიცუ, სეიჩას კაკ გერმანსკი პული დოქდიკ ტაკ იდოთო. ერთო გოდო ესო ნესჩასტიე პრინოსო ი ლეტო პლოხიო პრი- შოლო.

ამ ლაპარაკსა ყური კარგად დავუგდემ, ერთიც მაგრა გამეცინა, მერე ავდგეჩი და უთხარი:—კაცო რატომ ვერ მიმხთარხართ მეთქი ამასა! იძახით თუ ნასწავლები ვართ, სულ პროსტოი სლუჩის სა- ქმეა, რაღა. კაცო, ეტა ესიაკი ზნაიტ შტო, ი ნა ტურეცკი გრანიც ინა გერმანსკი გრანიცა ოდნიმ სლოვომ ვეზდე ვაინაა რაღა. პული იზ რუჟიო იზ პუშკი ვსო ნა ვოზღუბ ბროსაეტ. ტეპერჩი ოტ ტურეცკი ოტ გერმანსკი გრანიცა ვსო ნებო ტიფი- ლის პრიშოლო.

ახლა კიდევ ეს ოხერი რაღაც ოროპლანები გამოიგონეს, იმან ხო უარესათ გადარია ცა. იძა- ხიან თუ ღრუბლებზე მღლა ადისო, ვაა... შუტკა ხომ არ არის ამოდენა რამეები დაიმაგროს ცაში? ვაპ, დედა-მიწა ხო არ არის და?!

კაც სულ ძირსა და ძირს იწევს და სადაც ვაინა არ არის იქითვენ მიდის, ქალაქშიაც ვაინა არ არის და სულ აქ ჩამოვიდა.

ტეპერჩი სკაჟი პოჟოლუსტა ა დოქდიკ კჷდა პოიდიო? ნებო ტოჟე ვზიოლ და ჩტო დოქდიკესტ ესო ტიფლის ბროსაიტ.

გავიგონიათ, ერთი სიტყვაც ვერ მითხრეს იმ ნასწავლებმა. რაკი მე ჩვენებურათ არ მაიცვია და პოჟოლუსტობას არ ვიძახი, იმიტომ არავინ ყურა- დლებას არ მაქცევს.

ლევანა.

ვაცხადებთ ზოგიერთების საყურადღებოთ, რომ „მათარახს“ მე-9 ნომერში მოთავსებული გამო- ცანა (გურისათვის) „ბუიკაძის“ ფსევდონიმით არ ეკუთვნის ბ.ბ. გრიშა და ვასო ქელიძეებს. ნურა- ვინ დასდებს მათ ბრალს.

„მათარახის“ რედაქცია

ფ ო ს ტ ა

უიშვილს. ჩვენ თქვენი ლექსის უკანასკნელი ტაეპი მოგვწონს. სახელდობთ:

„მეტი რომ ვთქვა, აღარ ვარგა,
მაგენს ველარ ვალურჩები
აწ ამის მეტს აფერს ვიტყვი
მიჯობს ეხლა ვაგზუმდები“.

აქ ჩვენი ინტერესები შეთანხმდნენ.

მოხვევს. თქვენი ლექსი: „მოხვევთა გლოვა აღ. ყაზბეგისადმი“ კილოთი ჩვენ ჟურნალს არ შეეფერება; ხოლო შინაარსით დიდებულ მოხვევს.

დათიკო მელქაძეს. მიუხედავით თქვენი სურ- ვილისა არ შეგვიძლია სრულად დავბეჭდოთ თქვე- ნი ლექსი. „პერსიდიან“. მოვიყვანთ მხოლოდ ორიოდ პწყარს:

„ახლა ზაპასის ცოლებო
თქვენ გიძენით დიღსა სალამსა...
ღმერთი არც თქვენზე ვაწყურება
და არც აიღებს კალამსა...“

ჩვენი მეგობრული რჩევაა: მიბაძეთ ღმერთს.

მელიკოს შვილს.


„ჯიხაის შამოფეჩე
ეშმაკის მოციქულია,
ფშვირიც კარგი მაქ, საამო,
სულ ვერცხლით მოქედილია“.

ჩვენი რედაქცია იზიარებს ჯიხაის მწუხარე- ბას, ვინაიდან კარგათ გვესმის რას ნიშნავს თქვენი შემოჩვევა.

ოცნებაძეს. თქვენ იწერებით:

„ჩემმა მუზამ სტაყ კალამს ხელი, იერიში მიიტანა ქალღღმუნ და გენერალური ბრძოლის შემდეგ დაიწერა ლექ- სი: „ფრთოსანიო“.

ეშმაკმა თავის მხრივ იერიში მიიტანა თქვენს „ფრთოსან“ ლექსზე. გაიმართა სასტიკი ბრძოლა. ფრთოსანმა დაიხია და გამაგრდა წინასწარ მომზა- დებულ პოზიციაზე, —სარედაქციო გოდორში. მდგომარეობა უნუგეშოა.



სნეულთ სპერმინი

ნებადართულია შინაგ. სამინ. არს. სამკ. საბჭ. მიერ № 9796 დ ა ს უ ს ტ მ ბ ს

ნ. ნ. ივანოვის ლაბორატორია მოსკოვში.

თუ თქვენ მოქანცული ხართ ფიზიკური ან გონებრივი შრომით, ნერვები აშლილი გაქვთ, ესა თუ ის სნეულები გქირთ—გულს ნუ გაიტყენთ! სპერმინი მოგანიჭებთ სასურველ დანხარებას. არ შეიძლება მის ვუწოდოთ წამალი სხეულის რომელიმე ადგილობრივ ავადმყოფობისა, არა! ეს არის სრულიად უვნებელი რამ—ეს არის სიცოცხლის ესენცია, ეს არის ძალ-ღონის წარმოშობი. იგი ჰმოქმედობს სისხლის შემადგენლობაზე, გადაახლისებს მას და სწმენდავს მას დაძველებულ მავნებელ ნაწილებიდან. როდესაც სნეულებისა თუ მოხუცებულობისაგან დაავადებულ ადგილას მოჰხედება სპერმინი, რომელიც ჩვენს ჯანსაღობას სდარაჯობს, მაშინვე იწყებს ნაყოფიერ მოქმედებას დაზიანებულ უჯრედების გადასახლისებლად, აწვ-

დის მას ახალს სისხლს, ახალს ძალას, და სნეულების წინააღმდეგ საბროლოველ საშუალებასა ჰმატებს. ექიმებმა დადასტურეს, რომ სათესლე ძაფების გამონაქურთი უებარი წამალია: სიბერით გამოწვეულ უღონობისა, სისხლ ნაკლებობისა (ანემია), მძიმე ავადმყოფობის შემდეგ ნერვების აშლისა, დაქანცულობისა და სქესობრივ უილაჯობისა, დაბალ ციებისა და ჩუკუნების შედეგისა, სიგამხდრისა, სიღამბლისა, სქესობრივი სისუსტისა, წყალმანკისა, გულის სნეულებისა, შაქრის ავთმყოფობისა, ქარებისა, ნიკრისის ქარებისა. **ექიმებისა და ავადმყოფთა აზრი სპერმინის თაობაზე უფასოთ ეგზავნებათ.**

მოითხოვეთ ყველა აფთიაქებსა და სააფთიაქო მაღაზიებში. ფასი—1 ფლაკონი—2 მან. 40 კაპ. ფასდაღებით ვგზავნით ღირებულების 1/3 მიღებისას, შეიძლება ფოსტის მარკებითაც. მთავარი საწყობი პროვინ. ახვლედიანის აფთიაქში, თფილისი, გოლოვინის ჰრასპექტი № 41, დასაკვეთად მიჰმართეთ მთელი კავკასიისთვის წარმომადგენელს **ნ. გ. ახოზაძეს**, ტფილისი, გოლოვინის ჰრასპ. ქ. 41.

მიღებული გვაქვს სამადლობელი წერილები აუარებელ პირთაგან, რომლებიც სრულიათ გამოაჯანმრთელა ჩვენმა სპერმინმა, წერილების ნახვად შეიძლება გ. ახოზაძესთან.

გოლოვინის პროსპექტისა და სამხედრო ქუჩის კუთხეში

განიხსნა ახალი აფთიაქი ვაკრლამ ახვლედიანი-სა.

უუუხუნა

ჩვენი გემო

კვანისი


„ჩვენი გემო“—ს ქარხანა გადავიდა ჩერქეზოვის ქუჩაზე № 38.

კვასი მზადდება პირველ ხარისხოვან მასალისაგან და ნაღული წყლით. სისუფთავე ქარხანაში სუფთხოვით დაცულია. ამზადებს დიდი ხნის დაკვირვებული და პრაქტიკის მქონე მოსკოვე. გემო და სუნი მეტათ ხასამოფონ აქვს.

ვისაც სურს დალიოს ნამდვილი პურის კვასი. მოითხოვოს ყოველგან „ჩვენი გემო“ და არ აღრიონ ის სხვა ფირმებში. კვასი „ჩვენი გემო“ ქიმიურ ლაბორატორიისაგან განინჯული და მოწონებულია.

გთხოვთ პირდაპირ დაწერდეთ.

გთხოვთ პირდაპირ დაწერდეთ.



როგორ იბრძვის საქართველო დღეს.

1 მაისიდან ქალაქ თფილისში გაიხსნა უურნალ-გაზეთების კანტორა

„განათლება“

ჯერ-ჯერობით აგენტებს გაეგზავნება შემდეგი გაზეთები: „თანამედროვე აზრი“, „ემშაკის მათრახი“, „თემი“, „თეატრი და ცხოვრება“, ქუთათური „ახალი კვალი“, „კავკასკოე სლოვო“, „თბილისის ლისტოკი“, „ორიზონი“, „მშაქი“ და „ხათაბალი“.

აგენტები ვალდებულია მთელი თვით დაკვეთილი გაზეთების ფასი წინდა-წინ გადაიხადონ. წინააღმდეგ შექთხვევაში გაზეთები არ გაეგზავნებათ.

ფული და წერილები უნდა გამოიგზავნოს შემდეგი ადრესით: Тифлисть, почт.-яш. № 199, Сильвестру Р. Таварткиладзе.

კანტორის ადრესი: ბარონის ქუჩა, № 15.